

光緒僊居志卷之二十

古蹟志上

事之昔有而今無者其最足繫人思乎思之而欲傳之惟載籍為可久是故志其宮室可想像賢哲居遊之地志其冢墓正以動後人慨慕之心其他鉅而為坊為表瑣而至於一器一物皆可供騷客文士憑弔題詠之需焉夫世日往而古日積則所志必更有不止於此者請還俟之後人可矣

宮室

巖老堂 在縣聽事東宋皇祐元年令陳襄建赤城志寶祐三年

令聞人仲修重建鄭志陳襄巖老堂詩手持養性書此地學樵漁身類蛇龍蟄情深木石居先迷成

光緒僊居志卷二十

古蹟 宮室

遠復正靜得中虛向必求深隱幽蒙是所廬徐融和云大老富詩書不煩耕與漁巖同傳說築人學仲尼居靜性觀三極窮神味六虛欲知修復意仁義是遠廬章望之和云巖前未老客期在老樵漁拊俗多閑暇開軒適起居讀書明治亂學易體盈虛頻許相從否吾將當故廬

安樂堂 在縣治後宋紹興十二年令杜師旦建赤城志

秀岐堂 在安樂堂東宋慶元二年令尤棐以民獻瑞麥而建

赤城志案秩官門尤棐以四年任此作二年誤

愛山堂 在安樂堂左宋嘉定五年令董履道建赤城志

眾樂堂 在縣後圃宋淳熙中令唐仲溫建

思政堂 在廳事後元正元二十五年尹王徵丞趙適以十愛

堂改置鄭志

景陳堂 未詳所在 明嘉靖間知縣馬濂建 余志稿

真清堂 在丞廳之後 宋寶祐戊午丞劉怡建 鄭志

二松堂 在丞廳東 鄭志

採芝堂 在縣南三里南峯 余志稿

濟美堂 同上

鑑玉堂 三台詩話 作玉鑑 在南峯 宋蔣應雷建 應雷祖號覺軒 鑿山南

桃花洞及應雷解組歸隱築書院於其上 教授門徒遍兩浙

屢徵不起 理宗高之 敕其榜曰鑑玉堂 王魯齋詩藥鼎香浮

浮願志 作聞 棲鶴寺書堂影壓釣魚船 邑人郭磊卿詩鳥飛塔畔

雲低樹忽聽清流 棹客船摹寫勝景如畫 鄭志風雅遺聞

光緒僊居志  卷二十 古蹟 宮室 二

宋林放草堂 在縣西北六十里東山放嘗隱此 余志稿

鼎山堂 見桐江書院

慶湖草堂 縣東夏閣明應昌禪所構 按夏閣採訪冊應大猷建後圯孫斗輝重重建

枕山倚澗殊饒物外之致 鄭志

右堂

環翠軒 在縣治後 明嘉靖中知縣馬濂建 余志稿

藍光軒 在南峯 余志稿 宋葉翥題藍光軒詩出郭纔咫尺便覺山意幽招提立絕頂寶塔凌空浮小軒

足娛客下有潛溪流翠岫供遠眺直欲明雙眸平蕪草肥輾飽劍眠吳牛沙頭水色靜飛上嶺作馴白鷗人稀日亭午野渡

橫孤舟坐久意逾爽吹袂風颼颼想當三伏天然凜如素秋薄雲叢裏來恍若脫羈囚乘興偶登覽不謂成勝游平生志

所願一壑與一邱脚力到佳處須作信宿留南峯只在眼不必勞冥接當時輞川圖景物有此不學貴守所見出處各異

謀淵明亦高哉未肯屈督郵陳仁玉藍光軒懷吳直翁詩  
懷佳人兮山肩躡飛煙兮步輕蹇獨立兮山上空山無人兮  
寒竹自聳懷佳人兮向許白雲封關兮猿鶴看戶羌有懷兮  
曷想風虛徐兮簷鐸誦遲佳人兮去來聊逍遙兮容與趙  
彦齡題南峯精舍藍光軒一溪帶郭淨潺湲寺在溪旁碧岫  
邊塔影遠連空翠隴鐘聲高入蔚藍天竹房僧定侵窗月沙  
步人稀滿樹烟剛被名韞挽歸去久居應作地行仙

趨稼軒 同上

綠斐軒 邑西北隅明處士張堂賞著書處周圍可五六畝許

脩竹數千竿翼之盧侍御明章尹京兆彥嘗相與觴咏其中

鄭志

淨綠軒 在夏閣尚書第西明應汝化建古樹婆娑盛夏不暑

今存採訪冊 鄭志作應昌禪弟昌禧構今以其後人自言為定

光緒僊居志 卷二十

右軒

架閣樓 在縣廳事前藏經界圖籍宋寶慶元年令沈悉建今

地人鄭志

脊青樓 在思政堂後元至元中以安樂堂改置鄭志 元曹

山好凭欄得到深泉聲清萬壑黛色聳千尋隱迹宜高引登臨稱短吟孤雲應似我出岫本無心按康熙志載此詩作登

齊清樓今據余志稟

友菊樓 縣南朱溪宋呂六松所構蓋以淵明自況故名鄭志

望耕樓 在夏閣明應汝化建多儲名花奇石陳函輝題云一

徑一花色無時無鳥聲採訪冊 鄭志 入蔗園

右樓

堰松閣 在東門外東嶺崇禎中邑令蕭鳴盛建亦名堰松臺  
今存山詳敘

御書閣 在明倫堂後至正間廢鄭志

尊經閣 在學宮明嘉靖閒同知毛德京建鄭志

翠微閣 在南峯之北麓宋張朴所構有詩云月明曳杖呼元

鶴畫靜推牕語白雲鄭志

觀瀾閣 在管山下陳乾隆十年庠生李顯財建以課子弟

右閣

習坎亭 宋令陳襄所建陳山居詩自在云嘗鑿池引水經竹林間以環流釣翁名臺習坎嘉魚名

亭未知在縣治何處今不可考矣赤城志

光緒僊居志卷二十 古蹟 宮室 四

嘉魚亭 同上

真趣亭 在安樂堂宋嘉定六年令董履道建取陶潛是中有

真趣之句赤城志 按顧志縣治中舊為亭者十曰真趣脊青習坎嘉魚凝香送紫列遠三益停松第一香鄭

志以脊青為樓已見上

凝香亭 在縣後圃淳熙六年令唐溫仲建鄭志

送紫亭 同上

列遠亭 同上

宣詔亭 班春亭 在鼓樓前南街兩旁宋淳祐初令梁約修

八年燬令夏嘉重建至元丁丑復燬鄭志

倚松亭 在廳後宋淳熙十二年丞趙善宿建赤城志

三益亭 在丞廳後宋嘉定十二年丞林訪建赤城志

第一香亭 在二松堂之後鄭志

遙碧亭 在尉廳後鄭志

觀德亭 學之東據城西有射圃有觀德亭宋寶慶二年丞劉

星建鄭志

沂詠亭 在明倫堂後有湧泉瀦水為沼有浴沂亭明洪武三

十一年教諭高侃重建沂詠亭鄭志

敬一亭 在明倫堂後明嘉靖四年建鄭志

衙德亭 在縣治西明嘉靖二十年邑人為知縣馬濂建余志

秦鳴夏記衙德者仙居三十六都人士衙馬侯蠲賦之德而亭之也亭而碑之以永思也初都人有鄭公恕者仕國初為

光緒僊居志卷二十 古蹟 宮室 五

蕭縣令靖難兵至以其職死之君子曰致命遂志云公死而子姓以謫戍行無有免者幸而免則投窟山谷莫敢自名流離困踣垂十五年恭遇宣德改元始詔復其田里當時鄭氏所留空然版籍而田土山澤悉歸豪右之家矣賦稅之征按籍為定震餘殘孽誰為申理比有令於其邑者曰鄭氏不堪命矣吾為若均派之均之誠是也然鄭氏之田不下數千則占中坐田不下數頃以鄭氏之困而因邑民君子病之正德中曹令廷廷議許以其都夏秋之賦輸折色迨况令一經則嘗併民其均瑤之半雖補苴塞漏時寬一分之憂而各存實亡終未免於通圖之累也嘉靖辛亥馬侯以進士高第來牧廉得其情迺喟然曰傲哉為善者無以勸矣則為旁研曲究酌其會通以為經久可行之法是故僉殷實之戶以實其里覈實征之田以定若役查迷失之田以還其舊都有支處則免輸之官以補各甲之折色靡有隙地則量鬻之民以贖本都之常賦蓋所以優恤者不遺餘力矣夫法行可久則宿弊法惠出不遍則民志喻於是為鄭氏之都民者曰侯向心哉微侯吾無以為生矣為通邑之民者曰侯何心哉損益以平其施固吾儕所為甘心焉者也越三載而侯以治行旌部檄且至邑民聚而泣曰侯不可留其如吾民不忍侯去何為今之計莫若建亭於邑治之西礮石建碑巧名筆以載其事

庶矣之德與石不磨而後有作者其永永無斁矣亭成請記於予予謂賦役生民之膏血節義天下之大閑故哀多益寡者敦政之常經也黷忠遂良者道民之善物也今夫君子殺其身以成仁身且不恤而違恤其後哉乃善宅里以樹風聲則固守土者之急務而不容自後者而況其子孫乎况其子孫之困於賦役者平易曰物窮則通通則變變而通之與民宜之傳曰智者作法愚者拘焉侯是舉也其有功於風教甚大爲利於邑人甚溥民之德之斯則天理民彝之不可少哉是皆可書也已侯諱濂字濬卿號竹崖常之無錫人儻明達文學飾治卓然有古循良之風茲特其一節云

### 棲鳳亭 見紫籜山

### 盡美亭 在縣東二里福應山初名東山亭宋紹聖元年通判

龐元中更今名黃巖令張景修爲記

余志豪 張景修記 居邑之美者也而一山

盡馬福應山之美者也而一亭盡焉盡美亭者非盡一山之謂盡之邑之謂也朝奉大夫龐公侔台之二一年季按屬邑轍環七百餘里可謂勞矣然至於仙居福應則徘徊四覽嘯咏終日欣然忘其歸信乎美哉一日謂景修曰昔朱超石云登

### 光緒僊居志 卷二十

古蹟

宮室

六

北邙遠眺則衆美都盡予於此山見之矣山距城二里崢嶸獨秀浮圖居其上而亭居浮圖之南予名之曰盡美矣予爲予記之景修曰唯唯雖然公之意豈有窮耶不遺一景一物兼收而後采猶東西之不可相無也邑之括蒼章甫紫籜韋羌皆峯巒險絕巖洞環怪而溪流淼然烟雲晦冥鷗鷺出沒平波漁唱鷗隴樵歸有騷人畫史不能工者夫豈易名哉邑合劉君襲明雅爲公知圖序以告於是又知福應山者皇祐間合樞密直學士陳公述古名之也陳公賢先止勸學文垂於世瑜四十年公實作是亭公賢宰相子人門冠代不驕富貴而意乃在乎山水之間愚將見其美不專於竹石花木風晴雨雪之際而在乎學者之材也噫美於是盡矣 又題云南亭不減北邙高美景因公見一朝已看溪山如在畫更傳風雅似聞韶栽桃定有山家住種竹甯無隱者招秀氣當爲多士福未應都放與漁樵 楊密題云清風送月上欄杆雲雨溪流破玉寒我有三峯高興在漫堂聊作畫屏看醉後愁生在數奇僧牕借夢入新詩覺來著意尋桃李除了春風總不知

### 涵清亭 在南峯一名前山亭

余志稿 宋郭明甫詩 山光竹影交寒輝 下有碧波吹漣漪 沙

痕隱隱白鳥去石聲鑿鑿扁舟歸蕙蘭發馨禪味遠雲霧吐  
秀人家稀須知春事不可挽杜鵑已繞林中飛 楊筠詩水  
薄山腰點萬松雲扶翠岫插寒空此溪定入桃源去時見波  
間有落紅紅民既無爭景自長淡然相對一鑪香欲收鼻涕還  
無暇寄語南山古道場案 楊詩鄭志題作前山亭

斗起亭 在萬竹山萬安寺東 安州詩遺 建炎中薛左丞昂避地居

赤城志 宋陳愿詩乞得雨初霽登臨一解顏自攜班竹  
倚來對白雲山月色朦朧裏溪聲遠近聞相留且盤礴莫  
惜夜深還

旋憩亭 在東嶺上 余志稿 宋張朴憶旋憩亭詩祖道東關

鳥語雲根落桃花嶺上妍深  
慙頻作客鄉國眼空懸

萬緣亭 在城西社稷壇後明別駕張成德建旁有樓數楹貯

圖史書畫顏曰與遐閣范細爲之記 鄭志

光緒僊居志 卷二十 古蹟 宮室 七

鳳岡亭 在縣治南朱文公提舉浙東常平又主管台州崇道

觀兩經僊居以縣治向獅山乃造橋改街爲弓弩之形萬歷  
閉知縣湯聘尹築鳳岡亭於縣南以障缺山而平其橋 顧志

右亭

釣翁臺 宋皇祐中令陳襄建 鄭志 按赤城志引陳仙居詩

以環流釣翁名臺習坎嘉魚名亭是有二臺一名環流一名  
釣翁也風土門載其詩注云園鑿新沼引水經竹林間以環  
流釣翁臺習坎嘉魚二亭又似環流二字貫下臺亭者前所  
引似稍誤又康熙志附考云父老相傳羊公時治在金家店  
陳公時治在西郭洋巖老堂釣翁臺遺址  
尚有存者與赤城志今不可考之說乖矣

松竹亭林春臺 在巖老堂後 鄭志

望月臺 摘星臺 慶雲臺 峴景星巖

右臺

漢蔡經故宅

在縣東南二十五里今為隱真宮

案神仙傳稱經家胥門當

為蘇州人以經為樂安人與傳不合以係故籍所傳附此俟考余志稿

吳葛元丹室

在縣東南五十里枯蒼山紫雲洞今為純熙觀

井猶存余志

唐項斯宅

在三十八都項斯坑

探訪冊

宋王温宅

在西郭洋

案今西門外之花井欄相傳其所遺也與一大石俱昇至半空而墮大石去井

數十步在官道旁方廣二尺許質堅與池石異同治季年鋤麥者於石南田得中碎銀如指甲嗣是來覓者甚眾共計一二十兩銀有花紋或鑄宋字探訪冊

宋蔣晉別業

在葛公巖

志余稿

光緒僊居志

卷二十

古蹟

宮室

八

元翁森宅

在縣東南二十五里崇教里即所居為安洲書

院授徒八百云

鄭志訂

元呂微之宅

在三十三都大洪庄巖前庄屢徙無定

采訪冊按十

一都竹萬王有仙人圳石壁如鋸開者相傳呂六松嘗居此

明應大猷第

在三十七都夏閣

明應大桂第

在夏閣

右第宅

宋吳龍圖帶園

在縣西十里臺亭數處頗擅湖山之勝朱文

公常遊其中

顧志

按即小西湖也

鄭志云即金石井之畫眉潭宋吳芾築堤蓄水為湖岸植桃柳朱欄環繞

每當風日佳美則盪槩其間又見敘水



陳提舉章園

在縣東芳亭羅列碧水縈回亦稱幽曠

顧志鄭志作東

澗在城南東河提舉陳章引河水貫其中跨以虹橋叢植竹樹有浮香羽波諸亭及五松臺為邑名園之冠

陳安撫仁玉園

在縣南臺榭甚盛又有碧西山房在南峰之

下見鄭志

林木翳然理宗御書扁以賜之顧志有松聲山陰

濠上等名

鄭志

郭嘉卿園

在縣西南鄭志作在縣南七里前山

中有冲菴其扁亦理宗

御書也

淡園 在縣北光明山之陽內有倚嘯閣漣漪亭通幽處拜石

軒諸勝宋張司諫次賢投閒處也鄭志

蕙園 在縣東麻姑山之麓探訪冊在夏閣禮仙橋西明應方伯汝化所建

光緒僊居志

卷二十

古蹟

宮室

九

內有碧荷亭陟岵亭鄭志按志以望耕樓入此今據別出

西山茅舍 在麻姑巖後西山菴之上應尚書大猷致仕後課

孫著書於此遺址猶存探訪冊

萬松山房 在夏閣萬松山明應匡建以蔽祖墓風水兼為子

姓肄業之所今存

葛園 在三十七都栝蒼山半仙人葛元嘗居此

右園

冢墓

唐任相墓

在縣北山五里今其溪曰任溪

赤城志 按任姓相名未詳履顧志

作任 助誤

宋直顯謨閣韓昭墓

在縣南五里管竹村

赤城志 鄒志在邑南五里桃花洞

陳仁玉墓側 已為人掘

少師吳康肅芾墓

在縣西十里甲墘

赤城志

朱文公撰碑

鄒志

詳金 石

通判蔣旦墓

在縣南蔣家窰

顧志作縣東今從鄒志

提刑陳庸墓

在縣西三十一都白雲菴

參顧志 鄒志

安撫郭晞宗墓

在縣南蓮塘山

顧志 鄒志作縣西南十五里

參政何

光緒僊居志

卷二十

古蹟

冢墓

十一

澹撰碑

詳金 石

待制郭正肅磊卿墓

在縣南一里河埠翁仲猶存

鄒志

教授應灌墓

在夏閣

顧志

司諫張次賢墓

在縣北後嶺丞相葉夢鼎撰誌

顧志 鄒志

忠烈張華宗墓

在縣北塔山灣

顧志

隱士林放墓

在東嶺路北

鄭志有碑 詳金 石

隱士呂徽之墓

在縣南溪銀杏樹

鄭志

隱士翁森墓

在縣南下枝

鄒志

按採訪冊在下翁山光緒十四年庠生王王王鶴年重

修歲

程章有記

布衣吳福墓

在縣西顏婆塚

鄒志

文學吳梅卿墓 在縣南二十里大柵山上余志

明監丞王峻用墓 在縣北井坑顧志

知府朱季用墓 在東嶺下顧志

少卿張容墓 在田市西顧志

御史顧大奇墓 在縣東下山頭顧志

孝子張宗宏墓 在縣南二十八都小夾嶺龜山鄭志

太子少師王文通一甯墓 在縣東斧箕山景泰中遣官營

造顧志

御史戴宏演墓 在縣西抱窰斗峰山鄭志案顧志在五

御史王存忠墓 在都埠頭顧志鄭志余

光緒僊居志卷二十 古蹟 冢墓 十二

提學王純墓 在東嶺山顧志鄭志縣

通判張成德墓 在縣北周巖頭范主事細撰志鄭志

孝子封編修應昌墓 在縣西南觀音巖顧志

贈尚書應匡墓 在麻姑巖萬松山顧志按匡未仕

訓導張概墓 在縣北綵仞山夏評事銜撰表鄭志案夏

方伯應良墓 在縣西南觀音巖鄭志

參政張儉墓 在縣南大戰口門人浙江左布政李默為記

鄭志

尚書應大猷墓 在縣南二十里峽山隱真宮隆慶間遣官

營造秦宗伯鳴雷撰誌鄭志

別駕余世英墓 在縣南前涯頭顧志

副都御史李一瀚墓 在縣西南東村地名山隆慶中遣官

營葬志 吳時來撰墓表

左都御史吳時來墓 在縣西南七十里四都大林萬歷中

遣官營造志

參議吳廉墓 在縣南營山顧志

訓導張宗翰墓 在縣西江塊鄭志 府志 明志俱無

郎中蔣泮墓 在縣南綵仞山顧志 鄭志 作管山

參政顧宏潞墓 在縣東南隱真宮顧志

司理徐恕墓 在南峰山下余志稿 府志明志 俱無 鄭志不詳其地

光緒僊居志 卷二十 古蹟 冢墓 十三

同知林應麒墓 在縣東旗山鄭志 顧志 俱作東旗山

御史盧明章墓 在縣東斷橋顧志

副使吳炳庶墓 在下垵顧志

知府應存性墓 在下芝顧志 鄭志作下枝在縣 南採訪冊在下枝文峯山

太常卿應存卓墓 在北岸馬鋪楓樹墩採訪冊

郎中金克厚墓 在縣西鄭志

知縣張壤墓 在縣十七都湖頭顧志

知縣張培墓 在縣北任塊鄭志 明志 府志俱無

主事應存初墓 在橫路丁麒麟山採訪冊

通判應存魯墓 在夏閣龍船裡採訪冊

諸生張堂賞墓 在縣西孔宅鄭志

廉使應朝卿墓 在縣南三十大都多福寺鄭志

同知應世虞墓 在南塘西溪探訪

知縣應彥卿墓 在三十八都石姥嶺下山後探訪

同知應世科墓 在夏閣水磨灣采訪

知縣應昌士墓 在麻姑山麓鄭志補遺 探訪

顧烈女惜寶墓 在縣東南懷仁顧志

趙烈婦墓 在大南門外路東鄭志補遺

國朝知縣張炳題墓 在北門外廿九都大廟前子訓導龍圻

附

光緒僊居志 卷二十

古蹟

冢墓

十四

冢墓補

唐任昉墓在縣西北五里即任家溪昉字彥昇四明人唐相國也隱於此後人因廣絕交論泥樂安二字遂以為梁任昉誤矣獨不知天下固有二樂安乎沉梁任昉少即與蕭道成遊善始善終何故引避則此為唐時人無疑今顯慶即其別墅植叢桂為三子藏修地後因神光遂捨為寺鄭志顯慶寺縣其地為任丞相昉別業薤花盤渠亭榭佳麗俾三子弦誦其中名曰幘頭園以東至巷南至官街北至孔廟西缺一隅形似之也故昉幘頭流水記載別撰因神光現捨為寺

唐諫垣蔣琰墓 在金像寺前顧志

梁祭酒吳全智墓顧志 始在下礫鄭志 遷葬東山選舉志謂全智銀青光祿

夫大

張文伏在縣南北舉子昇附葬邑西始祖其裔孫史伯厚別駕

成德參政儉皆立碣

李芳春曰案張氏譜文伏墓在天台雙峯山蓋乾隆間始得之今其後人歲往祭墓

張勇墓城北隅龍圖學士吳芾撰碑

張同甫墓縣北垂絲輿

張禪墓縣西北蔡家衙侍當作制程學伊撰表

張朴墓縣北任家溪

張就道墓縣北壬溪垂絲齋當作宣諭使鐘應律撰志

金烈女墓在七都俞店大橋北

光緒僊居志卷二十

古蹟

冢墓

十五

李芳春曰墓石書金烈之墓案石無女字

鄭志宋蔣應雷墓縣南南

元張仲祈墓縣北任

顧志明布衣余讓墓東陳

經歷余學孔墓小水

鄭志明張諤墓縣北鯉

張宗鋌墓縣北

應立旦墓縣南

張源靜墓縣南

案右墓皆非名人

志稿宋修職郎應權墓在臨海鳳岑山黃灝撰誌

志宋鄭雄飛墓郡城

明鄭恕墓徐州蕭

應大桂墓臨海塘

應汝化墓臨海五十七

案右五墓皆不在邑境

器物

丹竈 在紫雲洞背葛洪煉丹於此

石幢 在縣西三十五里金像寺唐垂拱三年立

台州札記  
互詳金石

鄭侍郎雄飛笏 有二一大一小在廿三都七里隔溪

坊表

宋坊

闡科坊 赤城志在縣南一十步以梅廷瑞中

狀元坊 赤城志在縣南一十步以陳正大魁武科故名鄭志舊

在縣前西街為武科右科陳正大左科張會龍建治祐

戊中燬改建於南街按顧志狀元坊二一注武科胡謙原作

折桂坊 赤城志在縣南五十步以吳給事弟中第故名顧

於柴巷口

棣華坊 赤城志在縣西一百三十步以王孫震兄弟登右科故

建英

光緒僊居志

卷二十

古蹟

坊表

十七

友于坊 赤城志在縣西南一百五十步以郭堽齋脚遜世

嘗於弟故名鄭志在縣西為郭嘉脚讓陰於弟磊

青雲坊 鄭志在縣南為陳庸陳章建按顧志注

聚奎坊 鄭志在南城側為文科蔣洪謇蔣洪演蔣應雷武科蔣

正諫坊 有二鄭志在縣東街為右正言郭磊卿建

毓秀坊 鄭志在縣西為文進士

孝義坊 顧志趙幼聞吳沈鄭志在顯

奕世簪纓坊 顧志宋吳洪等按志列名

占鼇坊 鄭志在縣西市橋為殿元

元



忠孝坊 鄭志在厚仁為吳湯吳籌吳

明

牧愛坊 項志縣志前鄭志無

歷朝科甲 鄭志在厚仁為梁吳全志宋吳希明吳榮賀吳榮泰吳炳燕吳時來吳府驢建

維特國是坊 在郡城為都察院吳時來立地久

皇家麟鳳 願志通邑進士舉人歲貢鄭志在縣治前

父子開科進士 鄭志在縣東街為王峻用王一甯建按顧志峻作俊與赤城新志合

兩朝三賜存問坊 鄭志在郡城為百歲尚書應大猷建

父子兄弟進士 鄭志在稅務巷口為應大猷應大桂應存性應存卓建

內臺總憲 鄭志在縣東為左都御史吳時來建按即今之大都憲坊西非東光緒九年吳氏族人重建

光緒僊居志 卷二十 古蹟 坊表 十八

奔世上卿 鄭志在縣西為贈都御史吳榮賀吳炳臺建近地

大文宗坊 有二一在縣東為提學王純立鄭志改作登瀛坊未知何據一在二十都西山應為提學吳良建

進士坊 有二一在府城為主事顧志作郎中洋建按今在街頭蔣坊上進士二字光澤王書一在十一都呂前為郎中

金克厚建

大諫議坊 鄭志在縣西為給事中吳廉建地久

少方伯坊 鄭志在縣西南為左參政張儉建

司寇尚書 鄭志在夏閣為應大猷建

天官尚書 鄭志在夏閣為應大猷建

憲藩坊 鄭志在夏閣應大桂應存性應存卓建

世進士坊 鄭志在夏閣為應大猷應大桂存性存卓存初朝卿汝化世科鳴時建按顧志無

攀龍附鳳鄭志在斷橋爲進士林應麒建

諫垣藩臬鄭志在懷仁爲大參顧宏潞建按鄭志作諫垣坊無藩臬二字顧志大參作給事中

柏臺坊顧志在峽洋

翰臺坊顧志在五都戴村圯久

憲臺坊鄭志在十一原誤作十八都萬竹王爲御史王存忠建按顧志作柏臺

總憲坊顧志作臺憲坊副都御史李一瀚鄭志在十都李宅

文英坊顧志鄉科吳瓊李世廸暨

鄉進士坊顧志通判尹彥按鄭志不載

花萼聯輝鄭志在縣西義井巷爲主事張宗挺行人張宗顏中書張宗福孝廉張宗宏建按顧志無

天潢柱石鄭志在縣治西南爲長史張伯厚建按顧志無

光緒僊居志古蹟 坊表 十九

旌節坊有二一在斷橋爲林世貞妻應氏建一應存儒妻陳氏按陳氏鄭志未云有坊見表門

烈女坊顧志在懷仁

孝節坊爲孝子吳榮璧吳丙漢節婦潘氏金氏建圯人按顧志炳漢訛炳庶鄭志榮璧訛榮炳今考正

百歲坊鄭志在縣治東北爲耆民張朝瑞建顧志作義民

國朝謹按今科甲仕宦概不立坊惟耆壽節烈旨准建坊因已見各人名下不再贅

表閭赤城志顧志俱無

宋忠節世家鄭志爲忠臣張華宗子婦彭氏立

明旌節表門鄭志有三一在一都尹宅爲義民尹必第立一在十大都暨宅爲暨仁壽妻王氏立一在二十

四都爲應宗儒妻陳氏立按宗儒顧志誤作存儒據傳實宗儒也傳云詔表其閭而坊表門載有旌節坊未云表門

